

順治滎澤縣志

順治滎澤縣志

江苏工业学院图书馆
藏书章

〔清〕段補聖 修 李 珫 沈士秀 纂

李紅岩 校點

前言

滎澤建縣始於隋開皇四年（五八四），初名廣武，仁壽元年（六〇一）名滎澤。其間於北宋熙寧中，曾一度廢縣併入管城縣，不久恢復原名，直至民國二十年（一九三一）撤銷，共存在了一千三百餘年。

滎澤縣境大致相當於現鄭州市惠濟區範圍。但由於一九三一年滎澤撤縣，與河陰縣合併爲廣武縣；一九四九年廣武縣與汜水縣合併爲成皋縣；一九五四年成皋縣又與滎陽縣合併，仍名爲滎陽，從這一系列的縣名演變，而未深究其轄境的變化所致。滎澤縣地曾屬於成皋，但在一九五三年鄭州市要擴大郊區，故經中央人民政府政務院批准，將成皋縣境原滎澤縣屬的古滎、溝趙等十八個鄉鎮全部劃入鄭州，同時滎陽縣的須水、祥營等十一個鄉鎮也劃歸鄭州，成立了鄭州郊區。正因此一變化，使滎陽、成皋二縣轄境大大縮小，才導致兩縣的合併，所以說滎澤縣境并未有屬於滎陽縣的歷史，滎澤縣的治所即今鄭州惠濟區的古滎鎮。

滎澤縣的志書，始修於何時已不可考。據《澹生堂書目》記載，明代曾有縣志一種，下注『世官』，究系何人，無法得知。清代縣志凡三修，即順治志、康熙志和乾隆志。前二者現均成爲孤本，後一種傳世雖多，但多系殘缺百余頁的後印本。而

康熙志，則蟲蛀嚴重，字跡多有殘毀不清，嚴格講，亦不能稱之爲完本。因之，我們這次整理，採用了順治志。順治志不僅首尾完整，字跡清楚，而其記述明末清初數十年的資料特詳，比如地畝、戶口、稅糧、村落、市集等地理、經濟資料，以及李自成農民軍在此活動的記載，均爲研究明末清初一段時間的第一手重要信史。

由於滎澤非鄭州本州州境，故歷次《鄭州志》對滎澤史實均不載入，而臨近的《河陰縣志》、《滎陽縣志》以同樣原因，均不涉及滎澤歷史，故此部《滎澤縣志》實是填補了鄭州歷代志書的一個空白點。

此次校勘整理依據鄭州市圖書館館藏復印本（原書藏上海圖書館）爲底本，根據《古都鄭州文化叢書》編委會的統一體例要求，在保持原刻本原貌的基礎上進行點校，對錯訛字、避諱字直接改正，個別與古代經典文獻有異之處，作校記說明，一般志文則照錄。謹記。

校點者

二〇〇九年六月

榮澤縣志序

夫帝王之世系功業，樞省之山水文章，古今之人物衡鑑，世俗之時移風變，敘之紀史，為帝王之傳書；列之文章，為樞省之圖式。集人物之跡於衡鑑之中，則古今不疑於鑒別；溯時移之會於風變之殊，則世俗不病於無徵。故讀天下書者，觀紀於帝王，考圖於樞省，而山川人物，萃歸眉睫之間；風俗田疇，統彙指顧之下。雖其一郡一邑，不過輿圖大中一隅境耳，謂不備於捷覽者可也。余於己亥中夏，授知茲邑，甫接，紳衿、耆黎即求邑志，僉曰：『在昔成書，俱同草木灰飛矣。中州通邑，大約全志無幾，殘者或半。若並其半而無者，獨榮也。昨戊戌春，部臺、藩臬、守佐諸公重勅來文，舉修邑志，今稿已成矣，刊刻之勞，不無望焉。』余曰：『此前令段子賁也。段子既緣病去，余後知段子事者，奚敢慢違部臺諸公觀風考志之諭。』因挑燈數讀，詳繹端末。或錯綜舊勝，或考績殘書，或述斷碣遺文，或稽賦屢陳跡，總括之為八卷，而附析之以八景。一如乘風破浪，踰躡乎流水之中，則有黃河古渡；一如蜿蜒環帶，彷彿乎雲陰之塵，則有隋堤煙柳。陟嶽山而佳氣芻籠，南望長橋，列烟火者千家；謁紀祠而高節赫烜，側聞牧唱，詠興廢者億載。賦晴嵐於廣武之巔，氣骨恍凌天半；寫暮雲於鴻溝之界，英雄猶在目前。考核典贍，敷陳明備，

蓋不俟遊覽輿圖、詢問父老，而山川之形勝、人物之瑰奇，已盡在目中矣。抑余竊有慮焉，幅員狹隘，則浩繁之供應不支；戶口凋殘，則賦役之催科未靈。任斯土者，曷能上不病國，下不病民，克勝任而無忝？或曰：治民者，不惟其地，惟其人。苟才堪治，劇德足厚，民雖衝疲，何憂不理。噫！此余所以益遜謝不遑也，端有賴於秉憲者，披編而軫恤之。是集也，續緒成於鄉紳，刊刻命於梓氏，余愧纖纖未效。初知榮事，而厥勸榮志，然不敢以不序，謹循其例也云爾。

崇順治拾陸年，歲次己亥拾月吉

文林郎、知榮澤縣事、長安每可薦謹序

榮澤縣志序


今天下郡邑之有志，猶古列國之有史，所以辨方繫世，昭信垂遠，典至重也。戊戌春，部院賈祖臺撫蒞中土，肅綱振紀，百度維新，首舉郡邑之志而釐正更始。俾厥略者增補之，焚毀者創修之，一時藩臬、守佐、提調、督理，各有攸責。飛檄數下，邑侯段公，聚眾僉謀，以纂修之事屬余，疇採輯，疇訂正，疇評論，相與揚挖編摩，共襄乃事。余退，私謂沈子曰：『他屬之志為其易，吾榮之志為其難。他屬舊章具存，稍加敷潤，即成全書，故易也。或斷簡殘篇，覈其故實，原其世次，旁索廣蒐，翻然重煥，亦易也。獨吾榮當流寇焚劫之餘，室家天倫，尚幾幾不能保，孰暇計身以外之物乎？舊板回祿，文獻無徵，故難也；老成凋謝，新進寡昧，尤難也。今日之役，何以上不負賈祖臺之盛舉，下不負縣父母之重托也？』沈子曰：『天下事不於易中見長，須於難中見奇。茲時憚其難，後起者愈難之難矣。平地一簣，當自今日始。』遂詣博士弟子員杰秀而文者數輩，俾訪之父老，採之碑碣，博參之《一統》《九域》等志，細括之古今名家諸篇，尅期校讐，月凡數會，裁決雖由於余，朝夕翼贊，沈子與有力焉。目次頗煩，分為八卷。志輿地，表封域也；志建置，備規制也；志田賦，嚴正供也；志官職，彰勸戒也；志掄選，崇仕進也；


志人物，昭賢哲也；志雜述，廣紀綠也；志藝文，示考信也。矢心畢力，閱月者五，易草者再，其事多簡於前，其文則異於舊，即未有裨於治化，庶幾備採乎民風，使嗣是而興者，不患杞、宋之無徵矣。雖然，余竊有懼焉，今人取往志而披之，有議其失之拘者矣，有議其失之駁者矣，有議其陋而弗華者矣，有議其麤而弗馴者矣。惟病於志者，與病於史則均，均不足以傳。又安知後之議今，不猶今之議昔者乎？惟是祖臺之命命父母，父母之命命子弟，分不敢緩，義不容辭，勉強畫虎畫蛇，以俟知我罪我云爾。是役也，雖始自段公，實成於新任每公。公下車之日，恐鉅梓之費累及里甲，即進紳衿義民，量力輸貲。故成茲鉅典，而民弗擾，清政已懼見一班矣。謹序諸末簡。


崇順治十六年，歲次己亥六月吉


都察院觀政、丙戌進士、邑人李珪頓首拜撰

順治榮澤縣志 圖










順治榮澤縣圖



順治滎澤縣志 行文

開封府為纂修志書以備典要事。蒙河南布政使司信牌，順治十五年三月二十八日，蒙欽差、巡撫河南、兵部尚書、兼都察院右副都御史加二級賈 憲牌前事，照得各府州縣之有志也，其所紀載不越提封四境之中，而實能備國史之所未盡，猶大宗之有小宗焉，猶江海之支流、山嶽之嶠阜焉，不可廢也。中州夙稱文獻名邦，高賢輩出，其於典故載籍必所素重。昨據該司呈送，通省府州縣志書僅四十六種，其餘各屬，咸稱兵燹之後蕩然無遺。就其中新經纂刻者，止汝州、永寧數處，此外皆係勝國舊編，而於近今之事者，俱付闕如。及今不圖，恐世遠言湮，老成凋謝，後來雖欲從事，勢必更難，擬合通行，急為修纂。為此牌仰本司官吏，文到即便轉行各府州縣。凡無志者，速宜網羅舊章，博求稗乘，敦禮耆英，間局哀輯。其有舊志，而未載近今之事者，或有雖經翻刻，而因陋就簡不諳史裁者，亦須多方採集，更延名碩訂正，務使缺略咸輯，今昔備載。修成，先錄清稿，呈送本部院披覽。諒此不朽之垂，人人自有同心也，毋得遲違。等因到司，備行到府。蒙此擬合就行，為此

帖仰本縣官吏，照帖備蒙憲牌內事理，即察該縣無志者，速宜網羅舊章，博求稗乘，敦禮耆英，開局哀輯。其有舊志，而未載近今之事者；或有雖經翻刻，而因陋就簡不諳史裁者，亦須多方採集，更延名碩訂正，務使缺略咸輯，今昔備載。修成，先錄清稿具文經送本部院，併送本司本府披覽。諒此不朽之垂，人人自有同心也。慎勿遲違，速速，須至帖者。

修志姓氏

總裁

巡撫河南兵部尚書都察院右副都御史加二級 賈漢復膠侯，滿洲籍，曲沃人。
巡按河南監察御史 李粹然君煥，遼東遼陽人，戊子貢士。

提調

布政使司左布政使 徐化成文侯，昌平籍滿洲人，丁亥進士。

右布政使 桑 芸芑雲，山西榆次人，庚辰進士。

按察使司按察使 馬華曾觀陽，浙江平湖人，己丑進士。

提督學政右參議僉事 朱廷瑞增城，江南歙縣人，丁亥。

分守大梁道左參政 王來用行予，遼東人。

管通省清軍屯田驛傳鹽法道兼潁川潼關等處防河事務兵備僉事 陳士本頤仙，江南

武進人，貢士。